



改正

菅家文草

六

~ 16
2772
6



門 18
號 2772
卷 6

菅家文草卷第十一

願文上

為刑部福主四十賀願文

貞觀元年作願文之始仍

存之
卷首

弟予福主白福主二毛始見八歲于今壯年之
質先衰強仕之期既及白日迫於晚齒殘陽何
以留之黃墟占於新居長暮何以照之故黃紙
漆字歸願言於最勝王經白紵青蒲委身力於
田衣草座是以一向半偈耳傾於彼仙徒行道

菅家文草卷十一

卷十一
尾野貴英承贈

坐禪心資於茲法服然則弟子生年死日都無
思慮之勞妙果勝因必有安樂之報以此功德
先靈恩父過去慈親掃塵界於梵風破昏迷於
慧日涉渡七水躋攀十山速證菩提俱成正覺
為源太夫閣下先妣伴氏周忌法會願
文 貞觀五年十二
月十三日作
弟子從四位上源朝臣能有等歸命誓首一切
三宝自從綸言不豫脫屣煩王之鄉警蹕如休
迴輿真際之境爰知上帝不祐同作遺孤皇天

無知共為窮子但有慈親獨駐愛護無量收染
竹之餘淚以扶持續食茶之斷腸而撫育掩以
摩耶之雙袖知有二夫降以勝鬘之重儀覺同
一子於是消塵難報思桃李之長春水炭在懷
度綺羅之不故崆峒何處欲定以為度紀之居
海濼幾程將偷以供養生之術豈圖毗嵐妄起
驚帷帳而不安草露忽移掩閨門而長閉紅粧
何日再理青眼幾時重開為雨為雲誰維誰繫
既而幕雀無元厨之養挂輕羅於舊窻林鳥廢

反哺之羞發夜啼於幽夢當是時也姪娥出海
乍誤慈顏之逐月來少女生林還疑哀訓之因
風至滂泣之處存枕席而不遑乾攀慕之時碎
心肝而難可制自後春秋代謝後晦朔焉烏兔
不留一星霜矣丁憂如昨忌序登辰禮制有期
祥禫將闋而慈粧在堂之時自一七至周忌追
福之事逆修先畢復有弟子謹請遺教余昔有
意爲先考奉寫寶典皮紙未成命今垂盡骨筆
無詞身已病衰汝曹敬之慎之不可闕也一言

稍畢屑吻長封弟子等哀切之中重聞此事是
故今奉寫法華經一部佛名經三卷聊設講會
演說勝義伏惟莊嚴甫就先妣往年之宿心妙
理新開弟子今日之齋忌唯願開示悟入驅八
正而飛其文常樂我淨叩五趣而引其響然則
前息後息共是同日之報惟父惟子並爲一處
之佛千月之下占宝座以承跌十地之中振天
衣而凝睇斯刹那之善力翊彼先帝之聖靈安
養之院逾饒寶樹之華觀史之宮益○青蓮之

蔓弟子等除災延壽長作報恩之宗畢地終天
俱為崇德之族勝緣所被或顯或幽功德攸覃
無識無知同成因果速證菩提

為大枝豐岑真岑等先妣周忌法會願

文 貞觀六年八月十五日

弟子正六位上大江朝臣豐岑等誓首和南某
等嚴父即世老母在堂徒感推燥居濕之恩遂
失揚名顯親之孝於是星霜暗積霧露數侵桃
李非往年之春綺羅為今日之老弟子等聞門

枕席之外定省溫清之中從行步者薄冰在進
退者深谷欲訴桑榆於上帝將借蒲柳於秋風
金龜未足買王母之童顏白兔當傳姮娥之秘
迹豈計解形三界波迴之國刊迹八微霧合之
鄉占實相以曳蜺裳捐真如以移霧縠膏藥永
斷貪茶乍臻聞嚴訓而如休見溫顏之就冷水
菽薄養擲地以無由存持顧復洪恩呼天而不
可重得嗟虀煙脂雪粉鸞鏡龍梭粧具如故而
猶存資用在今而無主當斯時也每一念至使

五情崩攀哀極則添以滅性之悲腸涕淚竭則
續以流襟之泣血不知天之爲蓋地之爲輿不
知世之有人已之有軀者矣弟子等奉遺教云
余爲父母先靈寫法華經一部云精誠徒効勢
力猶微雖讀讚云一句半偈之文未演說甚深無
量之義因茲節略身口冀成慧業之資糧焦灼
心肝思施良因之舟楫自後風波不定心事相
違假寐永歎維憂用老遂至天道無知之日鬼
神不祐之時屬以宿昔欲報之心當時罔極之

事弟子等謹因嚴教不離宵心悠哉悠哉展轉
反側於是或耕或耨且紡且績一家之中資用
僅備既而半破蘆簾不改舒卷之處已穿紙閣
猶同開闔之時即勸請慈悲諸佛於今朝移來
寂滅道場於此地降雪山之緇侶講貝葉之室
典此則先妣之宿願也况復杖笈不駐慕思弥
新丁憂如昨忌序忽至仍奉寫法華經云奉圖
地藏菩薩一鋪丹青騁功不異雲獻之真空翰
墨呈精當同龍宮之秘典即自十一日至十四

日此則先妣往年之宿心翌白之朝滿月之夕
此則弟子今朝之齋食共約五日混為一座報
恩雖有先後得樂資茲同會仰願開示悟入灑
慧雨於重昏常樂我淨放慈光於厚夜先使祖
父祖母俱出同日之冥途次令先考先妣願昇
一處之覺岸瑠璃之地長作優遊之階墀室樹
之華定為朗詠之玩好以斯功德左右丞相俯
仰北辰之前護龍顏於日月徘徊東閣之內加
鶴壽於春秋弟子等無父何怙無母何恃同賴

良緣共成福樂上自有頂下真無間普及一切
速得成道

為平子內親王先妣藤原氏周忌法會

願文 貞觀七年
八月三日

女弟子某敬白先妣藤原氏自嘉祥季年官車
晏駕殘魄無苟生之慮膏脣有殉死之誌自謂
榮華之在物也其脆脆於浮雲名利之去人也其急急於
電火況乎世是苦海身非樂田除善根而不利於人背喻
筏而無舟可濟是故剪落雲鬢以呈救首之為瘡消殘雪

粉以表刻肌之有誠重以空觀現掌或定銘心
惣以曩日恩澤所賞欣供此間剝圖之費深草
嘉祥寺者朝家奉為先皇所建立也其大殿東
畔長塗良維聊占餘地修堂構嗚呼事劇者情
易鍾感深者理難遣經營之事未能大半豈圖
神不福仁天不祐教化生之理永無徹於藥石
空寂之期終不吉於著龜遂以去年八月三日
既先願言乍就下世弟子同胞俱斷一身主喪
克已動入雪愁日慘縷流火毗不覺涕之無從

蕭芥伐腸應綠哀之自內既而耳傾想於疇昔
目彷彿於平素與彼望松楸而無逮從不若撫
蓼莪以攄遺訓所以家駟百口人慕百身依柱
石之舊基增丹青之絲飾於是新成藻井皆悉
繪事於心機宿設蓮臺已有金谷於頂禮石聲
響亮綵幡色鮮種種莊嚴一一張列即奉造藥
師丈六一軀夾侍二軀胎藏界摩陀羅畫像一
鋪金剛界摩陀羅畫像一鋪奉寫金字毗盧舍
那經一部金字本願藥師經一卷金字隨願藥

師經一卷其施入雜物負數不及一二日注具
在別目乃知籠中減膳不可謂之至廣窓內授
衣不可謂之真施如弟子荷恩比重於三山之
教龍施報猶輕於捨地之芥細則欲盡沙界大則
欲極昊天至于此般佛像初成經典全備先妣
宿願遺孤纂修而已今屬風枝不靜節物就變
表之初露草階危天文當建酉之紀斯乃先妣
化去之後星霜一周弟子攀哀之中風景四改
故儼新修於寶堂尅一日而開講肆請蓄德之

仙侶約六十以設芳筵觀夫善心為善徒云
和之普及一切合掌為華不採四種而近取講
身几厥緇徒就列者俱持般若眼白葉歸依者
覺發菩提心說法之場開會之境煙霞潤色磔
瓦會生弟子迹夫發心之本弘願之萌惣以所
生功德翊深草山陵七華千葉矯飾安居之宮
日帝星王推轂周遍之步以此刹那之力聖主
陛下據南山以長安居北極而無動次奉導過
去先妣宿昔謀事之日獨欲利他當今就功之

時還知自利然則勝因在近冥報非餘安樂可
仰而攀筌蹄可束而棄復有長姊公主步真空
而不歸小弟親主出分段以長逝因此福緣俱
為拔濟凡妙音所及真味之潤遍迴天下而猶
為有餘經無數劫而可傳不朽其間無知無識
惟顯惟幽每各恣意所尚取其樂於今日

其人亡考周忌法會願文

貞觀十年某
願主姓名逸

弟子某稽首和南十方諸佛亡考存白為助願
齡有意修善節身口而黃用刻肌膚以發謀心

情內催事理外屈宿業所植王命攸分所天
開東之外弟子入居帝畿之內郵驛相隔非不
牘無以叙人子之道煙霞數重非夢魂無以接
事親之好寢食不安寒溫如失悲哉去年七月
五日使者忽至寄與書函乖和之狀載之一二
弟子精神無主手足忘身侵晨夜以兼行蹈水
炭以覺赴嘗藥不効病牀已久慈訓纔通氣息
既絕弟子等縋淚穿眼酷悲刻骨蒼天陰而不
晴白日盡而猶夜於是哀戚未殺墳墓稍乾攀

慕之情車載外量弟子等即携遺孤還入京城
雖藏骸骨於彼土而招靈魂於此方今苴桐有
節禮制立儀不捨星霜已登忌序仍奉寫金光
明經云奉畫藥師佛像云以叙先年之宿心以
會今日之周忌心事雖遠功德惟一乃莊嚴禪林
之芳院排批一朝之講筵香華數簇斯乃善心
合掌之所輸鐘磬一聲斯乃拔苦與樂之所寄
凡厥一切一善奉翊云考仰願香積啓行安樂
可俯以拾之金光照乘筌蹄可推以除之冥助

無量救濟何言三界含情七世父母煙霞之有
色者礫尾之無心者在此地在此方因彼良緣
俱成福果

爲彈正尹親王先妣紀氏修功德願文

貞觀十年八月

月二十七日

弟子某歸命誓首弟子先妣紀氏初筭之後入
侍先宮約意薦蘿承恩牀第綺羅脂粉之勞豈
止一朝一夕而已ノミエシヤ自綸言不豫宮車晏駕魂魄
失寄身之地刀火爲伐性之兵泣竹如新食茶

未足即策疲心發至誓寄事良因將答彼誓資具
漸備勤修未終始一二年來心中事屈而先妣去
八年二月嘗藥不利終朝即世弟子哀楚之事
衣襟是存今因彼舊具奉寫法華經一部普賢
觀經一卷緝紙盈軸始於先妣之剥皮金書數
行終於弟子之折骨夫法華經者所謂寶典乎
惣而談之唯一法也折而論之十微妙也性而
說之常樂我淨也情而言之開示悟入也以彼
四分之方便爲此一乘之輪轆於知息報息乃

無量無邊乎今展一香筵聊閱講肆發心仰願
不可思議弟子先是又有奉爲先帝修功德之
意日月不居時節如流刻膚刻骨維憂以老始
自今秋至盡形壽一日講筵不敢虧缺唯今年
雖弟子蓄念之首唱而先妣當時之宿心矣又
雲林院者深草天皇第七皇子之幽莊也禪枝
定水謂之爲三襲之林泉石磬霜鐘謂之爲六
時之漏刻皇子之於弟子也緇白雖異親懿捨
諸今之此會必至此院者仰亦就先妣之所由

也况乎法界道場何處非鹿苑如來不住誰家
非鷲峯香之百和華之四種或生合掌或起善
心者也然則一一功德惣奉翊先帝山陵日名
惠日安居之坐和光風号梵風周遍之路靡算
若爲一代之教主弟子唯願無聞慈訓若爲十
方之世尊弟子唯願重瞻妙相善根無竭福果
不訾請導先妣於安樂速證菩提之正覺登蹄
何煩塵垢可脫七世父母三界踈親同因此會
俱昇彼岸乃至王道表裏鬼區方圓有情無情

有識無識每各隨求一時成道

安氏諸大夫爲先妣修法華會願文

貞觀

十一年九
月廿五日

弟子從五位下安倍朝臣宗行等誓首和南弟
子先妣多治氏平生謂弟子等曰夫生死者不
住也不爲入之惡死輟其輪迴苦樂者無常也
不爲世之欲樂留其分段又生之所以爲生也
始於天地終於父母報施不可量恩愛不能斷
是以余將節身口以供養十方衆僧刻肌膚以

莊嚴一乘妙典，弟子等隨喜在口，信受銘心如
斯之後，日運星迴，猶豫之間，心中事屈，及至先
妣齡盈六十，弟子等相謀曰：「聊設祈年之賀，
將叙至孝情，人心不同，或曰綾羅以死，色養俗
事多緒，或曰絲竹以表形言，於是先妣聞弟子
等有此語，即命曰：「我昔爲報恩，有宿心，汝先識
之，汝今爲祝，老有新慮，我既聞之事，須歸心善
報，假道真如，我因汝以遂我心，汝因我以言汝
志，當斯時也，同胞之子四男一女，一人以衛王

命出爲千里之吏，一人以分國憂，行爲一州之
長，在閨者一女在朝者二男，通計有暮年唯願
待諸子之會同，成一家之因果，斯誠尸鳩均養
之義，不敢間然，飄風遍吹之仁，亦復如是者，也
嗟呼，維憂以老先妣，思道於往年，事留變生，弟
子泣岐於今日，遂寒風之夕去，而來者毗嵐滿
月之朝生，而滅者石火去，九年十二月十五日
斯蓋先妣卽世之時也，弟子等四大忘身，五情
無主，不知天之有，蓋不覺地之有，輿乃謂食茶

非追福之道泣血豈反意之聲不如修善業以
免筌蹄寄真功以增安樂伏原先妣始自尊躰
乖和終至溫顏就令遺訓存之以願言不緝貽
謀屬之以蓄念未攄弟子等反之覆之造次不
離於心彼我攸我須臾不絕於口仍今霜露凝陰之
候山林壞色之時因緣于澤之舊資課役心機
之短慮卽奉寫法華經一部普賢觀經無量義
經一卷般若心經一卷並紉紙金字也旣而洒
掃先妣終命之室嚴飾弟子守孝之堂請得仙

侶數人排批講筵八會三條草徑自謂與寶刹
爭功數片蘆簾自謂與金繩訟界寶典則繕收
非舊然而發於先妣之皮膚法服則刀尺惟新
然而出自先妣之機杼分以言之負薪者雖在
弟子惣而論之圖事者此乃先妣而已仰願道
之四安樂教之十微妙無二無三難解難入凡
厥功德惣奉翊先妣先妣昔以利他爲意今則
自利可兼焉弟子始以事生爲宗今則事死專
一矣然則元元本本先妣之祖考速證菩提有

龍家文庫
親有尊弟子之先君共成正覺乃至天之有生
生之無骨地之含氣氣之不形不親不踈同攀
福果無大無小共受良因

爲温明殿女御奉賀尚侍殿下六十筭

修功德願文

貞觀十三年
十二月十六日

弟子女御從四位下源朝臣嚴子歸命誓首十
方諸佛一切賢聖尚侍殿下者婦德之脂粉女
儀之光華風性所習者雪白惟貞天姿所持者
蘭芬自播弟子皇天不祐夙爲偏孤閨門月寒

奩具塵暗殿下一父一母慈仁不可比量弟子
爲雨爲雲恩德難以訓報者也方今殿下齡滿
六旬弟子彌發一念每理蛾眉之殘黛幾恐鸞
鏡之新光嗟呼屬姮娥而乞藥月官非塵步之
所通據王母以問方仙窟豈尸行之得到運籌
帷帳何疑於知恩報恩結誓衣衿逐至於依佛
依法蓋以佛謂之能仁非仁本願何以開悟法
號之圓覺非覺至心何以出生弟子是故圖繪
毗盧遮那佛像一鋪阿閼佛等分主四方繕寫

佛說壽延經六十卷般若心經別存兩軸白間
藻色禮佛者疑絲雲之掛虛空紺紙金字轉經
者惟晴星之列河漢弟子以爲如來不住鷲峯
自聳於精誠法界道場鹿苑乍開於恭敬弟子
所以莊嚴城中之一院暫爲開會之勝境採華
停午晝則稱讚十七神名投刃毒虵夜則勤修
三摩耶戒菩提心發般若眼驚非無證明既有
聽許南謨毗盧遮那佛放普光以圍繞加持南
謨佛說壽延經廻威德而哀愍擁護雲鬟霧縠

暗見萬祀之温和錦悞珠簾將約千年之春色
兀厥功德所覃竟一賢劫以爲未盡善根攸利
遍四大海而猶有餘天地覆載之間唯願一時
得道日月照臨之外唯願群類隨求

爲右大臣依故太政大臣遺教以水田

施入興福寺願文

貞觀十五年
九月二日

弟子右大臣敬白弟子伏奉故太政大臣美濃
公之教曰興福寺者予先祖發其本願雲構年
深龍銜響遠予自少日輸身至殘陽憂國偏用

盡忠於王事未遑致力於伽藍卧病而悟臨命以慙汝能識之必行予志去年九月二日斯乃温顏即世之夕也自後迴光不住忌序既臻墳墓未乾淚痕猶濕弟子慚尋先靈宿意貴儉而不好奢故恩澤追贈之禮讓寵章於聖朝權車引攝之因禁勤修於家僕弟子今從先靈遺訓分先靈舊產捨水田若干町以宛寺家之資用一二日注具在別紙又其追福布施未爲過多今准令條不敢減折夫不可量者如來方便之

力難思議者世尊拔濟之功仰願十方諸佛一切賢聖同發大觀喜之心共垂哀聽許之念一頃一畝將接畔於福田惟耨惟耕遂混利於佛種凡厥所修功德惣資先靈煩波耿耿莫顧波滂之昔居寶樹行行安住兜率之今樂聖主陛下比乾坤以無頌大皇太后貫涼燠而逾鎮善根之施福惠之流匝四海而未窮超三世界而何限普及無邊共成樂果

爲大藏大丞藤原清瀨家地施入雲林

院願文 貞觀十五年五月十八日

弟子正六位上大藏太丞藤原朝臣清瀨敬白
深草聖帝第七皇子避躁之地名雲林院始皇
子入道安禪此院便命弟子勾當家事皇子賜
弟子以隨近之地令備其侍宿之居手書加恩
遺跡可驗嗟呼閻浮泡幻之國娑婆露電之鄉
生滅不期心事相失皇子仙化之夕即是今朝
也烏兔不駐耳自巳改幽薨則知蓮架之丈夫
舊院則見為金繩之淨刹今此地在南逼近院

下若依昔恩猶為俗居恐僮僕迷緇素之衣鷄
犬亂雲泥之路是故件地施入如右發心一念
流淚十行雖攀善根於今軌而太息慈於昔
且弟子清瀨替首和南敬白

為源大夫下室藤氏七七日修功德願

貞觀十六年十一月十日

奉造阿彌陀像一軀 奉寫妙法蓮經一

部

弟子土左權守從五位下源朝臣湛敬白生者

必滅娑婆界之遺哀會者定離閻浮提之舊淚
念而因念難斷恩愛於身觀以更觀未免憂
悲於此劫弟子亡室藤原氏以去十月二十四
日奄隨逝水病牀之後曉鷄數聲藥劑之間寒
烏一暮指白日而請命迴眸無再聞之期叫蒼
天以招魂慰問斷重聞之答當斯時也弟子天
地迷方刀火攻性斟四大海以取喻海淺而淚
還深筭恒河沙以爲數沙盡而悲弥積夢想之
至攀慕之誠不可量也不可說也自爾以降飛

電易過七七日忌斯滿隙駒長驟四十九日已
臻與彼穿眼煙霞不見歸復之輕步焦思松檟
無繫化遷之晚粧不若假道真如脫筌蹄於罪
報趁功惠業招拔濟於善根是故莊嚴佛像繕
寫寶典即發未魯之至心聊設平等之法會刻
尊容於舊枕咽枕上之長空也展講筵於幽閨
悼閨房之作掩也佛是無量壽佛弘誓甚深經
乃妙法華經本願無等夫以六道無定在善惡
之昔因三世難知苦樂之今果逝者不知爲何

處之胎卵彌陀種覺願引攝逝者不知生誰家之子
孫法華大乘請垂擁護若化廻雪於洛水則照
惠日以導西方若伴行雨於巫山則載慈雲以
接天衆香煙未斷今且速證菩提果磬響猶餘
此時必住安樂處三塗八難皆是無明之宅鬼
類真道皆是受若之鄉每各隨願彼此得道

爲前陸奧守安太夫於華山寺講法華

經願文

貞觀十八年四月二十三日

弟子從四位下安倍朝臣真行敬奉寫妙法蓮

華經一部即於華山寺禮請高僧演說妙義起
二十三日至二十六日朝夕八座敬禮三尊今
日也先考過去之夕此寺也弟子歸依之地發
意有由宿緣已結弟子先爲外吏平生作念三
七五七四十九日善功德事逆修並畢今莊嚴
此大乘經便充周忌追福弟子不仁不智爲業
障之老因無財無貨是清貧之家主縱年滿老
至氣絕命終則冥途有意智過家胤無資贖罪
是故弟子割官祿之餘豐棄公俸之贍足歸命

頂禮恭敬供養仰願三世尊者一衆妙典哀聽
弟子至心護念弟子本願所修善功奉翊考妣
尊靈生庄却却恒得拔濟七世父母六親眷屬十
方世界四大海中每各隨願幽顯共利

爲南中納言奉賀右丞相四十年法會

願文

貞觀十八年九月

弟子從三位中納言南淵朝臣年名敬白三世
諸佛十方聖衆世有祈年之賀無貴賤叙其志滿
堂臣妾非親舊者不行一家子孫無業順者則

闕右丞相閣下勤主之次忠信之間四十日
強賀者已至伏惟皇太子捧幼稚以憑丞相之
愛護弟子扶衰老以侍宮臣之備負一言一事
承恩其深在公在私感仁無量雖云至孝至親
無等弟子冊懇弟子欲暖絃管以洽歡恐事至
荒散將累珍鮮以取樂慙謀及殺生皆是金口
之禁戒何須白頭之屬心反覆而思不如冥助
是故奉寫金光明經一部金剛壽命經四卷般
若心經四卷黃金泥字琉璃色紙恭敬禮拜繕

收甫就弟子近者有一山莊去此數步建小蘭
若地形幽寂尊像儼然非朝即暮每期散骨弟
子手披苔薜親○香筵取四朝將盡百慮施
供輕微捨霜熟之落果莊嚴冷淡採寒開之晚
華苟不違本願三寶其捨諸凡厥所修功德豈
唯偏報厚恩縱令丞相住采千年國家護棟梁
於松栢丞相全生百歲天下約藩鎮於山河弘
誓如是福不唐捐敬奉翊 聖主陛下九霞宮裏
傳安樂之歌聲雙鳳樓前飄無爲之舞袖奉資

太皇后官鑿主擁護滅不災以永安帝釋加持
含坤德以無動東宮殿下春秋甚富官臣弟子
年齒差暮若使弟子殘陽不留唯願殿下福壽
增益生則傾雪鬢以負戴光儀死烈排泉扃以
歡喜明德他生他劫必表愚誠丞相所普濟者
四海內也丞相所兼愛者諸衆生也至心迴向共
得平安

奉太上皇勅於清和院法會願文

元慶三年

三月二十
十四日

弟子歸命誓首奉造釋迦佛像一軀脇士菩薩
像二軀并奉寫金字法華經八部無量義經普
賢觀經各八卷金光明經一部所以者何弟子
昔奉取身豈當鴻業爲天下之主爲諸衆生
之君每願風雨調和稼穡豐稔國土合歡於無
垢界人衆同樂於有頂夫豈圖在位年深利
他之德頗缺涉道日淺尅已之誠屢空是故弟
子逃黃屋以忘歸捐蒼生而不顧追慙既往二
三年來今假此慈悲哀愍之加持資彼開示悟

入之方便欲令十方三世共得利益過去未來
同蒙護念弟子自謂法界道場說法之鄉皆是
鹿苑如來不住真如之境豈唯鷲峯故洒掃幽
堂移師子座於其上莊嚴靜室屈木比丘於其
中六日設齋八座闕會其香華也我心清淨我
掌慇懃其觀念也諸天化來諸佛影向仰願釋
迦太師觀音虛空等菩薩妙法大乘無量普賢
等經王歡喜弟子發意之唯一聽許弟子宿願
之無二遠則三千世界百億須彌近則登遐七

廟長逝四息乃至三塗八難鬼類冥道以此功德力速證菩提果

吉祥院法華會願文

元慶五年十月二十一日

弟子從五位上式部少輔菅原朝臣敬白吉祥院建立之緣最勝會願文叙之詳矣伏惟弟子慈親伴氏去貞觀十四年正月十四日奄然逝去及至周忌先考奉寫法華經一部八卷普賢觀經無量義經各一卷般若心經一卷時也此院未立便於彌勒寺講堂略說大衆之妙趣引長

逝之尊靈弟子位望猶微心中事屈泣血而已更無所管又先妣亡去之日試弟子曰汝幼稚之齡得病危困余心不堪哀愍之深發奉造觀音像之願念彼觀音力汝病得除愈自汝有祿割其上分分寸相累用度可支發願之本雖在汝身解緩之責恐爲余累弟子自奉遺命三四年來雕飾纔成禮供猶闕自後朝息不遺官爵過分即作念日所得祿俸先資報息報息之後當以遊費爰損節經用辦設禱供至元慶三年

夏末風月之下定省之間以斯一念略達先考
先考曰善哉汝作是言余建一禪院當講二部
經取勝妙典依余發願先年講畢法華大乘寄
汝報息當共隨喜唯念懸車已迫死門在前須
待明年豫歸田舍歸去之次將聽妙理已
將結因緣因緣已余無後累又余家吉祥悔過
久用孟冬十月法會之期且取彼節弟子敬奉
慈誨不敢輕慢於是日輪不駐星律已廻二日
下旬弟子始嘗藥仲秋望日先考遂就薨遺誠

之中更無他事唯有十月悔過不可失墮而已
今八月既過父服先除正月未來毋忌猶遠起
二十一日至二十四日禮拜禪衆開批法筵所
仰者新成觀音像所說者舊寫法華經始謂就
真報以共利存亡今願假善功而同道考妣嗟
呼先考所試弟子不失者今日開會之朝弟子
所奉先考相違者去年薨逝之又弟子無父何
恃無母何怙不怨天不尤人身之數音夙爲孤
露南無觀世音菩薩南無妙法蓮華經如所說

如所誓引導弟子之考妣速證大菩提果無邊功德無量善根普施法界皆共利益

奉太皇太后令旨奉為太上天皇御周

忌法會願文

元慶三年十一月十六日

銀像藥師佛一軀日光月光菩薩像各一軀金字法華經八卷無量義普賢觀經般若心經各一卷奉為登遐太上天皇周忌齋會所恭敬莊嚴也天皇以去年十二月四日就_五泥洹於圓覺仙房今起十一月二十六日修功德於清和舊

院先期八月待七淨土之遍驚開講四朝願一乘法之長演夫寒雨難禁三界惣是芭蕉閃光易飛衆生誰非石火乎先皇叩根機以催道追因果而結緣當為他界遍周之君豈只我家生老之子仰願瑠璃光如來導聖靈於瑠璃地蓮華太乘教鎮聖靈於蓮華臺三千國土皆是先皇之本宅舊居百億須弥皆是先皇之善根俱得安樂

同因

為故尚侍家人七七日果宿願法會願

龍溪集卷十一

三

文 元慶六年三月十三日

尚侍正二位源朝臣以去正月二十五日薨逝
伏尋存日之宿念曰余以往年奉寫法華經講
演已畢去元慶四年出家入道之後敬屈禪徒
聊嘗法味乍聽大乘甚深之理即便發意更奉
寫金字法華經一部無量義普賢觀經般若心經
各一卷當願所修功德先奉詔太上天皇次為
余菩提資糧至四年十二月四日天皇奄歸寂
滅余則心事相違誰為為之孰令聞之不若重

積善緣成聖靈得道之因仍奉造銀大毘盧遮那
佛像一軀白檀四佛像并四菩薩三昧那像一
心一向奉資聖靈去年周忌期限雖過今茲暮
春宿心所尅所尅之日數旬未盈發願之人一
旦長逝今就尊靈心願之誠舉尊靈手澤之貯
卷帷幌於舊窓設香華於虛空况乎七七忌至
宜修善根昔是發利他之至心今更分自利之
迴向仰願如來薩埵大乘妙典各任本願奉資
嗟峨聖廟其次也迎持登霞先帝增遍周法界

龍溪集卷十一

三

之威光攝引過去尊靈開往生淨土之因果恒
沙界之內大鐵圍之外各隨所求共得拔濟

菅家文草卷十一

菅家文草第十二

願文下

為左兵衛少志坂上有識先考周忌供

養一切經法會願文

元慶六年

孤弟子左兵衛少志從七位上坂上大宿祢有
識唯願世尊垂哀聽許攝受弟子今朝之誓首
證明先考昔日之宿心伏惟先考去貞觀十一
年乍銜綸命赴任鎮西非唯一方之分憂兼守
邊地之機驚乃發誓曰余則將家之遺孤非有

積善之餘慶代代冠蓋皆是王命無私生念
中不知國恩何報此府月俸倍多日費猶足須
捨我身之三聚業將爲此間之一切經所修功
德或多或少遠施三界近及六親自爾以降夙
夜在公忠信不絕於口合掌向佛歸依不離於
心向佛所以者何報國家之恩也報恩所以者
何述父祖之志也於是府頭所歷春秋四五年
來書手所存經論五千餘卷入京之次纔載一
船供養之儲漸分雜真即占有緣之地運納清

水山寺自後塵累難解星杓屢移本願未成宿
痾漸結遂以去年十一月某日慈顏就冷孤子
等量滄海以爲淚非尊靈拔濟之流吞炎州以
爲哀非逝竟遍照之道即尋思平素駟役寸丹
因緣往年之舊資將果先考之宿願今時節不
居忌辰已及新繕經典莊嚴復終敬屈數輩之
亞仙聊開三日之法肆就中兩日略說最勝法
華之奧心最後一朝誦讚般若了義之題自自
餘經論次第舉名不敢漏遺將盡數部歸命頂

禮三千世界之諸尊恭敬供養八萬法藏之妙
理共尋弘誓當應至心善根十分慇歸國王連
珠合璧與寶祚而永明五稼三農逐宸居而無
缺太后禪儀植德本於普光園中官母德掩恩
蔭於摩耶宮王公百官文武萬姓同因善功俱
獲安樂次願元元本本奉資先考之七世父母
六親眷族各離往生之筌蹄共結得道之因果
別奉導先考亡靈速出娑婆之苦界早生安養
之香城乃至塵煙噴焰毒蛇倒懸之鄉岐又飛

鋒忍魔結縛之國以此剎那之善力各證快樂
之芳緣

爲式部大輔藤原朝臣室家命婦逆修

功德願文 元慶七年三月十八日

女弟子從五位下藤原朝臣某子恭敬奉寫法
華經二部外濟考妣之尊靈也弟子夙爲孤露
未報微塵自非佛智經主無資拔苦與樂仰願
一言一說不誑語者無量無邊施方便九弟子
重發願曰有生焉有老焉有病焉有死焉拔山

倒日無地逃之弟子歷祀閨房脂粉之春早去
運籌惟帳綺羅之曉難留每想前途言泗俱下
將屬後事無一所生道之三塗身之五障誠可
哀是故我今發唯一心歸依三寶即奉寫金字
法華經一部無量義經一卷普賢觀經一卷般
若心經一卷又造多寶佛塔一基以經安塔以
塔護經種種莊嚴至心為本與若突卯之歲建
辰之月於東山禪林寺開次定座演甚深教筭
斯刹那之善功迴為周忌之追福會中四朝捨

財三度唯願將充自三七日至五七七之大功
德如是逆修更無後慮已無後慮視死如歸猗
歎奉行盈耳者無非常樂我淨隨喜欣心者皆
是菩提薩埵况乎尋壺梵唄春鳥流和雅之鳴
偷龜瑠璃晚菩掃清涼之地善心所引合掌所
生近取諸身香華供養而已凡厥所修善根普
及恒沙界其中含靈同結福緣乃至鐵圍山其
下枯骨共成佛道敬白

為藤相公下室周忌法會願文

元慶八年二月

弟子參議正四位下左太弁藤原朝臣山陰敬
白弟子亡室平生語曰妾之薄祐夙爲孤露奉
寫一乘妙典將濟二親尊靈情願未就之間先
考夢告妾曰予在娑婆殺生隨手汝贖罪報當
修善根妾之此意獨自何爲善知識故請俱記
符弟子從聞此語雖刹那不忘於心匪躬之中
于今未得與其善彼豈恩愛之輕以又薄乎蓋
塵累之積而未除也弟子亦嘗作念曰弟子年之

十一
日

少壯祇待所夫每隨遠近於分憂無禁荒淫於
取樂或結網垂釣殺昔弟兄或走犬飛鷹傷前
君父如是等罪無量無邊未死之前可慙可愧
唯有家殊內外所營不同分骨髓以寫經主弟
子嘗資其業極園葵以充禪供家室宜守其勤
相契雖深相謀雖重此願亦擁其事亦留嗚呼
悲哉著龜不從藥石無驗去年二月○日奄然
長逝矣亡室因報息以訪切德弟子緩而不修
弟子就滅罪以叙心情亡室去而無顧此是當

時雖有哀感之無數亦復平昔尤悔心事之相
違方今露往霜來忌辰已迫十方三界生處猶
迷敬奉寫金字法華經一部八卷無量義觀普
賢經佛頂尊勝陀羅尼經般若心經各一卷斯
乃亡室宿心結考妣菩提之果也又奉寫金光
明經一部四卷佛頂尊勝陀羅尼經般若心經
各一卷斯乃亡室所夢別斷先考鸞鴨之託也又
奉圖毗盧遮那曼陀羅一鋪奉寫金字法華經
一部八卷無量義經觀普賢經阿彌陀經地藏

經般若心經各一卷斯乃弟子新意成亡室拔
苦與樂之因也又奉寫墨書金光明經一部四
卷佛頂尊勝陀羅尼經般若心經各一卷斯乃
弟子舊約寄亡室滅罪生善之便也即掃除亡
室瞻仰遮那之尊容期尅四朝講演大乘之妙
理唯願如如法寶共乘證明一一福緣各隨本
願敬白

為阿波守藤大夫修功德願文

元慶八年

弟子阿波守從五位下藤原朝臣邦直敬白弟

子始生以來稟形胚弱臨病之次合掌歸依自
彼少年至于今日除非佛力何得全身又弟子
去貞觀六年二月安寢之間遇一菩薩乃告教
曰寫千軸經事因息災心甚隨喜結縛塵垢空
過星霜又弟子去元慶五年適銜綸命乘蒞當
州每願禍殃消滅百姓平安又祈風雨調和五
穀豐稔今弟子先思泡影多病之危次尋夢想
希有之教最後廻所識豐樂之計莊嚴尊像繕
收經主金花藥師佛像一軀依醫主弘誓之力

保金剛不壞之身地藏菩薩像一鋪壽命陀羅
尼經千卷現所夢之尊顏述所識之慈教也等
身不動尊像一鋪濟境內之人民免任中之禍
難也仰願國土萬民遍資功德共成福緣當州
一局殊施善根專被護念近自六親眷屬遠及
一切衆生乃至無明受苦之輩不別親疎自識
含靈之類不同大小迴向普及將結芳因

爲藤太夫先妣周忌追福願文

元慶八年四月

十日

弟子從五位上藤原朝臣高經敬奉奉造無量壽佛地藏菩薩金剛因菩薩賢菩薩金剛聖觀世音菩薩弥勒菩薩文殊師利菩薩大勢至菩薩像奉寫法華經八卷無量義經觀普賢經各一卷阿彌陀經四卷佛頂尊勝陀羅尼經轉女成佛經般若心經各一卷何以故奉為先妣周忌追福也弟子去四年春出為外吏閨門內顧老母在堂欲負載而共行煙浪非和顏之道將拜辭以獨去風枝是入髓之寒然而忠孝不兼君親

惟異三四年別詎無再會之期數百里程將有頻通之使遂割情愛遠赴勤主嗟嗟去年春末家書忽至淚讀俱下伏萊嘗藥即乘海路晝夜兼行及近京城逆聞傾逝噴交刀火不覺滅性之傷身空叫簾帷不知悲腸之結病先妣哀喪數日之後弟子所患遂入膏肓弟子病苦隔年之間先妣忌辰已驚日月今月二十二日斯乃先妣下世之夕也是故弟子敬禮無量壽之尊像歸依妙法華之大乘唯有一心奉翊先妣亦復

觀音大勢地藏菩薩無量普賢阿彌陀經更無
餘念奉翊先妣淨界雖多唯願畢○奉住安養
福因雖廣唯願真實奉成法身功德之餘普及
一切以此發無礙心之故又為先妣得道之因

木工允平遂良為先考修功德兼賀慈

母六十齡願文

仁和元年十一月二十日

弟子木工允平遂良敬白弟子先考去元慶六
年五月二十日奄然即世孤兒等攀慕思愛引
導尊靈將以圖繪阿彌陀像書寫金光明經周

如騁飛電猶遺雙淚不遑忌辰已迫於是尊像
既成暫闕香華之供真文未發纔存紙墨之儲
起居刻肌晝夜焦思維憂以老三四年來今屬
微官除日寸祿在身發新意而仰尊容就舊資
以寫妙典即窮冬臘月二十日於南郊外禪居
寺聊展法筵伏屈僧侶凍水清淨霜枝輕微歸
依經主供養佛像先考平存不好殺生恐有鵝
鴨之虛訴先考疇昔思樂安養願遇瑠璃之滿
庭若令精誠不虛唯願移水相於塵界若令權

便惟實唯願放金光於雪朝所修功德愍奉導
先考應身化身隨舊緣以成佛果天上地下尋
往生而益莊嚴弟子等又次作念曰弟子慈親
去元慶始造如意輪菩薩果宿願也弟子今年
新書妙法蓮華經叙至心也修善之次更重發
願奉賀慈親六十之齡奉祈慈親萬億之福弟
子一心畫則開演新寫大乘之題名同胞兩姊
夜頌讚舊成菩薩之寶号善根為味何必乞靈
藥於玉人冥助為家誰暇遷幽閨於紫府仰願

開示悟入之誠成就妙理愍念有生之○○○
弘誓聽許我等無二之誠成就慈親且千之
願弟子我等因梵風之末力霑惠雨之餘功滅
除交難增長福壽隨喜之輩說法之隣太慈悲
故共成福果

為源中納言家室藤原氏奉為所夫太

相國修善功德願文

仁和二年二月二十日

女弟子藤原滋子敬白三世如來十方聖眾弟
子所夫閣下消塵未訓海岳弥大霜露如騁春

秋屢迴非積善之慶不成非皇天之祐不降是我人子何忍默然夫至孝之道不以極樂爲務以冥助爲情冥助之功以真實爲宗不以名稱爲本是故佛眼曼荼羅三副一鋪維摩梵網經兩部五卷丹青之信假手莊嚴黃金之字至心書寫過伽水淨繞壇場以有芳流護摩火明燒災難而無餘燼圓滿心願則天王現觀喜之相成就福因則佛母飛真言之咒年之陽春春之仲月自二十一日至二十五日五箇日夜作法

已畢其明朝二十六日使展講筵演說寶典雲蓋爭迎雖殊淨名居士之空室日輪已暖欲同玄通華光之照明入夜之後待曉之間乞淨戒於阿闍梨仰尊儀於獅子吼此等功德唯有一念俾我所天閣下其以如瓊闕之長生俾我所天閣下其堅如金剛之不壞弟子身是婦人孝道有限雖無朝夕相邊以陪摩頂未有時刻暫懈而忘和顏仰願講會隨喜之諸尊戒壇證明之菩薩自東方自西方自上方自下方或擎加

持咒護之良藥或銜利益安樂之明珠如我本願助此報恩荷歟所夫載口者世之無事歲之有年所夫迴心者幽之遇明苦之得樂弟子修善既云事父普及一切如是迴向

爲清和女御源氏外祖母多治氏七七

日追福願文

仁和二年七月十三日

弟子從四位上源朝臣濟字敬白弟子外祖母多治氏去五月二十九日厭弟子而不顧未知向於何方弟子今於佛前請其拔苦與樂弟子

昔日新生依託祖母之後祖母今年微病未拋弟子之前雖災聖靈於登霞雖痛先妣於逝水憑祖母之摩頂慰弟子之斷腸我今無所依我今無所託云憂云喜孰爲相謀或起或居孰爲相護悼而重悼孤之又孤如是酸辛皆悉罪報嗟辱夏月先過秋風已吹簾影空垂砌塵未掃哀不能斷時不可留今歸尊靈殞命之舊窓當修四十九日之功德尊靈去年五月宿病乍發殆及危急弟子當時作念欲奉圖繪帝釋菩薩

雖去年所願與今年相違而事死之誠與事生
何異是故弟子抑淚迴謀莊嚴此像又弟子新
發意奉寫金字法華經一部八卷無量義經普
賢觀經般若心經各一卷轉女成佛經二卷一
乘之法是無二無三也弟子之心亦無二無三
也唯有一法唯有一心以斯妙理捨資尊靈弟
子不知尊靈所往何世界何須弥就何生入何
道常樂我淨布慈雲以奉導尊靈開示悟入施
惠雨而奉翊尊靈紺瑠璃紙變爲證菩提之地

黃金泥字散爲成正覺之華假使尊靈速離塵
垢得住三明願弟子暫引瓔珞夢中再遇次願
聖靈山陵奉增遍周之威光過去先妣奉加安
樂之遊戲若令宿昔誓願于今不變定知先妣
待聖靈轉輪之官若令此朝善根在彼有緣
定知祖母孀先妣架蓮之座弟子雖在人間已
爲薄祐願我以此一念值遇於三尊大鐵圍之
外恒沙界之中一一迴向共成福樂敬白

爲清和女御源氏修功德願文
仁和二年十一月十一日

月二十
七日

弟子從四位上源朝臣濟子恭敬奉繪延命帝釋
一字等菩薩像弟子前年作念所以者何每見
泡影之有爲每逢露電之不定歸命此三菩薩
庶幾彼有冥祐今之綵圖果宿心又更奉圖觀
世音菩薩像何以故請弟子逆五七之證明也
弟子伏惟聖靈昇遐于今二十九歲先妣下世
介後二十三年孤露之悲寒溫已累浮雲之質
變滅何時况身之數奇家之單祚今而不管功

德後亦更屬何人弟子欲修此善先問因緣台
嶽非婦人可攀仁祠豈塵累之所觸至心苟合
如來不現誰家誓首惟勤淨界不移何處是以
弟子灑掃幽閨排展禪座晝則供養四菩薩之
尊像夜又收拾三聚戒之明珠百和薰香纔採
舊年之匣底一枝殘萼適折寒月之籬前以清
淨爲宗以真實爲本今朝萬事近取諸身而已
凡厥所得善根先獻田邑山陵反覆而悲欲罷
不能猶願奉添白毫之末光將表丹懇之遠志

復次奉導先妣尊靈星霜雖積割腸之悲在今
松檟雖老泣血之淚如昨仰願上方下方若南
若北在在處處將益莊嚴弟子伏尋往年與弟
子常發願者斯乃外祖母多治氏也天也亦天
也可悲又可悲祖母去夏乍出閭浮弟子此冬
逾纏哀慕發心之次已斷增長福壽之思結願
之終空念速證菩提之誓悔而不及言以無徵
請寄勝因早成佛果弟子現世當生共成所願
其餘多少福惠普及無邊

為官道友兄賀母氏五十齡願文

仁和二十一年

十一月二十六日先是友兄就事到嶺
岐旅館臨歸語云所願云將賜願文于
時夜更已久交睫漸成不勝旅客之所
屬作卧命友兄採筆隨余口誦寫取之
到京今友兄
寫送一通

奉寫三千佛名經七佛藥師經金剛壽

不將未命陀羅尼

右弟子官道友兄等敬白幼稚之年乍為偏露
慈親摩頂孤子勝衣欲報之恩昊天因極重戴
山海未吞消塵方今烏兔不留星霜屢變半百

之齡已在當年人子之道難可忘息仍奉寫寶
典等晝誦陀羅尼門之神咒夜禮十方三世之
佛名以斯功德將奉訓慈親無限之恩德一切
不祥未然消滅無邊善願如意圓滿弟子等同
霑福緣共得利益

奉

勅放却康鳥願文

寬正四年五月十六日

神泉苑者累代近遊之地也貞觀之始有牝牡
康生息相續今已成群有彼垣牆之全涯分豈
如山藪之任野心又春氣初暄鳥邑可愛二三

五六留在籠中嗟辱物我雖殊含情惟一閑思
兩翅之不展譬猶六塵之難離夫有果有因不
知不識今之禽獸前之父兄是故起懺悔心發
菩提願禁苑之康呼母子而出苑門煩籠之鳥
望山林而開籠口即遣藏人右近衛少將藤原
朝臣滋實檢校將領放天台山此山者宿昔所
經覽誠足以遂生况六時燈明一乘遠何物
而不拔苦何生而不得道故捨調布一百端便
求成善功德又童稚之日作念以爲慈悲行故

不傷生類，即位之後，一二年來，愛見鷹鷄，時勞
皆養，不敢貪鷄雉之獲，唯只助幽閑之意，靜而
惟則亦復煩惱，也可慙，可愧，可恐，可畏，惟願善
根之力，滅我如是等罪。

為諸公主奉為中官修功德願文

平竟

四年十一月
二十一日

中官殿下，每年臘月，尅三日夜，讀經禮佛，當于
此年，四內親王，運籌帷幄，作念言曰：知恩報恩，
無貴無賤，雖有殿下，不容祈年之壽，何無我等

可輸增等之誠，門房有閑，不敢奔月，以求良藥，
湯沐雖富，頌向風而試一燈，夫寄人述志者，方
便門也，假物成功者，因緣力也，我等請奉行今
冬之功德，將報宿世之慈悲，且以隨喜，且以思
惟，即便結構佛殿，剎那安置寶像，金銀泥繪藥
師淨土黃金如意輪白銀梵釋天白檀像四天
王正殿方面，中臺左右莊嚴具足種種微妙心
誠在心，攝蓮華於半三尺，步不煩步，縮瑠璃
地於小一弓，復次奉寫太雲經六卷如意輪經

轉女身經帝釋經金剛壽命經各一卷金泥字
書青紺色紙譬如有名星宿麗晴天以放光無
價花房排寶樹而連蒂倚摩百千菩薩何故以
六臂爲本尊八萬經王何故以六軸爲成數第
子我等有至心本願諸佛何爲不悉知不諦聽
斯時也聖朝滅罪之始殿下發心之間近就禁
省後庭便開常寧中殿雪花清淨蒲虛空以供
如來霜枝精勤凝真實而施禪衆南無金剛秘
密大弘誓故南無方等無相本所說故一禮

拜半句半偈擁護我殿下加持我殿下雖上命
中分難返烏兔於既往而長生寶筭願祈金玉
於將來善力不可量福緣不可說奉翊聖朝將
攀安樂所千世界無數衆生每各隨求皆令得
道命長劫福分以獻諸善財中須知此
四十事奉中宮令旨爲第一公主賀四十齡願
文 寬平五年十一月二十一日
奉造白檀釋迦佛像一軀脇侍菩薩

二軀

奉寫金字孔雀經一部

墨書壽命經四十卷

右中官殿下為第一公主所莊嚴也公主春秋四十事須慶賀優遊殿下思慮百千謀在息災延命是故歸依功德深著善根中殿懺悔滅罪之間後庭香華普供之次便就勝蘭聊陳梵唄子之所以求長生者專欲事母之長也母之所以祈遠筭者不思願字之遠也發意無二無三作念非他非自唯願公主久帶綺羅之春公主

永斷霧露之犯福業之需薰修之助及於無邊法界成其切所求癸丑之歲臘月二十一日發願文

為兩原相公先考大臣周忌法會願文

寬平八年八月十六日

弟子叅議從四位上源朝臣湛叅議從四位下源朝臣昇等歸命誓首諸佛聖眾弟子所天大臣宿昔發願始繕寫一切經復次作念漸歸依彌陀佛佛像未現經王猶欠言事相違始終如

失遂以去年八月二十五日藥動薨逝弟子等
眼流新淚心計舊懷爲畢經王之有欠者即法
藏分教未而聚焉造成佛像之不現者亦觀音
得大隨而具矣所天尋常言曰棲霞觀者嗟峨
聖靈久留眷賞假使暫爲風月優遊之家唯願
終作香華供養之地是故弟子等新添堂構於
彼觀全納經典於其中西方一佛勸請以備本
尊東京兩家因誓以資禪定皆是所天尊靈之
宿心曾非弟子遺孤之新意嗟乎日月不居忌

辰忽至瞻仰尊顏諦聽經目一心也一念也令
我所天尊靈定往生極樂界功德善根不可思
議如佛所說平等利益

爲尚侍藤原氏封戶施入圓成寺願文

寬平元年

正月三日

女弟子尚侍從一位藤原朝臣敬白

施入播磨國封戶五十畑

右弟子依有宿念建圓成寺後太上皇勸誘隨
喜微微發願雖出妾心一一莊嚴專由聖慮方

今佛前供養香油未飽僧房住持衣鉢猶乏弟子所賜別勅封戶明之家途既為行溢是故筭數輸物先分五十烟廻向功德普及三千界人生有限恩賞無○死後還公是大理也女弟子敬白

奉 勅雜藥供施三寶衆僧願文 寬平九年

三月二十三日

假銀壹佛納雜藥合施料
紅雪小百斤僧施料

弟子生在末世乃宿業也位為國王乃勝因也

是故常念所得珍賤以用布施萬民百姓然而志申力屈言深事淺唯願和合一二劑上妙香普及千萬億苦衆生今之所捨在此上分三寶衆僧垂哀聽許弟子敬白

咒願文

踐祈一修仁王會咒願文 仁和元年四月五日

至心敬禮 教主牟尼 誓首歸依

仁王般若 三摩地寂 千葉臺飛

放大光明 奏殊勝樂 其言不誣

所說甚深	為國為身	應解應入
仁和獻歲	龍集旃蒙	曆數在躬
鴻基聖運	朱明孟夏	時哉此時
黑月庚辰	吉之又吉	愍人民故
安國土故	三寶惟崇	萬機暫息
邇自華輦	霜仗九重	遍報竹符
煙城七道	都兀百座	講演二時
勝蘭結藂	水月同照	莊嚴種種
贊唄聲聲	幡霽殘虹	華吹四面

見者無數	聞者有緣	發菩提心
仰明行足	所修功德	福不唐捐
諸尊證明	聖衆隨喜	陰難陽難
未然滅除	天災地災	刹那銷復
獨眷聲火	年有大秋	修緯道長
府無虛月	人之類化	黔黎合歡
俗之飲和	鐐質同利	羽孳蹄乳
鱗伏蛟行	因善知識	得安樂果

臨時仁主會咒願文
寬辛五年閏五月十八日

國主皇帝 歸命頂禮 仁主般若
波羅密經 發願無邊 所以者何
去歲有疫 徃徃言上 今年痛甚
家家病死 城外城中 累旬累月
衆生何罪 遭此天刑 一人之遯
延於海內 至心懺悔 三業六根
合掌歸依 十方諸佛 寬平五載
夏閏五月 十有八日 乙酉良辰
遠羅城門 近清涼殿 城內諸司

都邊數寺 百講闍座 二時說經
幡蓋裝嚴 香花供養 心不戴心
欲消疫癘 念無餘念 欲濟人民
既沉困者 願早除愈 未初病者
願先遠離 夕復攸愧 頻年不登
倉庫屢空 飢饉難免 功德之餘
專祈五穀 甘雨順時 暴風永斷
秋實全收 餘糧栖畝 世間安樂
擊壤成歌 復次所患 東西奏聞

兵刃不閑
遠鎮二方
大鐵圍下
同昇覺道
城塞有警
野心調和
恒沙界中
海賊消滅
善根之潤
知之不知

臨時仁王會咒願文 寬平七年十月十七日

國主皇帝
波羅密多
太宰府奏
兩頭之犢
歸命頂禮
發願無邊
水鳥之妖
兵庫器鳴
官廳鷺集
仁王般若
所以者何
攝津國言

天上發徵
所告云云
咨之卜筮
或兵賊難
雖爲一人
雖爲遠方
是故作念
三業六根
寬平七年
禁中怪異
流星夢想
考之陰陽
或藥動患
雖爲萬民
如是等禱
忽復迴慮
命掌歸依
孟冬十月
神宜人語
所見種種
或水火災
或不祥謀
雖爲近處
忽可怖畏
至心懺悔
十方諸佛
十有七日

庚子良辰 自大極殿 至朱雀門

二十六堂 百八十僧 幡蓋莊嚴

香華供養 鐘磬連響 梵唄合聲

講演百座 朝夕二時 緇素同心

見聞隨喜 心不戴心 欲滅災難

念無餘念 欲除憂患 未然降伏

轉禍為福 在前護持 變凶為吉

復有今秋 五穀纒熟 木乘力故

願全收穫 乃至永年 風雨順時

疫癘無起 天下安穩 大鐵圍下

恒汝界中 知之不知 同昇覺道

臨時仁王會咒願文 寬平九年三月十九日

國主皇帝 歸命頂禮 仁王般若

波羅密經 去年言上 太宰大疫

近日有聞 京都漸患 眷情不安

怖畏無極 寄言冥助 歸信明神

是故發願 廣設大會 至心懺悔

三業六根 合掌歸依 十方諸佛

寬平九載 季春三月 十有九日

甲午良時 自太極殿 至朱雀門

一十六堂 百八十僧 幡蓋莊嚴

香華供養 講演百座 朝夕二時

道俗同音 見聞隨喜 心不貳心

欲消疫癘 念無餘念 欲濟人民

既沉困者 願身除愈 未初病者

願先遠離 一切不祥 隨而消滅

一切災難 同眾攘除 功德之潤

專祈五穀 甘雨順時 夏種無滯

暴風永斷 秋實全收 諸國豐稔

百姓富饒 太鐵圍下 恒汝界中

知之不知 共昇覺道

鳳城臨時仁王會咒願文 昌泰元年六月二十六日

佛語真實 歸命經王 法會莊嚴

成熟功德 天皇發願 其何以故

京畿七道 貴賤萬民 連年疫癘

無驗療治 隨日死亡 不遑收葬

苟居其位

如說修行

季夏六月

禁斷殺生

鳳城內外

靈驗佛前

梵唄如風

百獅子吼

異處薰修

唯有一心

講般若故

遠令起罪

假使鬼道

變怒為喜

講般若故

法藥嘗口

合掌未開

萬里平安

誰不懊惱

昌泰元年

二十六日

百官潔齋

華輦綠邊

散華如雨

地類爭赴

仰而所照

遂無化念

假使末世

願早消滅

講般若故

吐怒惱人

假使亡靈

轉怨為樂

其欲病者

四方除愈

善根之餘

是故作念

歲次戊午

諸國教化

奉行諸善

明神社下

天衆交降

俯而所聞

一護國珠

分時演說

由運降災

假使時政

速得調和

講般若故

含怨成祟

其既困者

智斂護身

替首未舉

永斷水旱

風雨順時 五穀豐登 或幽或明
聞之見之 資善知識 證善提果

保安五年閏二月廿三日書之散位藤

天養元年八月八日進納北野廟院
以權上座勝還大德令願
官寺政所留守圓直矣

管家文章十二卷

同後集一卷

管相公御集一卷 第廿卷

朝散大夫藤廣兼

當將附謝世累所果夙心也以傳來葉勿出院內

管家文章第十二

校訂管家文章跋

皇朝縉紳以詞藻擢耀前者世
不乏人管江二家為之巨擘而
其能卓然傑出為天下後世所
推尊者

贈大相國管公以昌泰中奉詔撰進

跋

三代家集賜詩褒美為勝白香
山其續芳鍾美可以知為乃祖乃
父二集泯然無傳可勝惜哉唯
公文孝十二卷幸獲存焉我
水及西山公為好乎古每以印本
文章訛闕間多往有不可解

者為遺懺久之獲一善本於某
所欲廣于世乃命聽剞劂氏校
訂登錄於是填其闕正其訛如
懶龍療傷如鸞膠續弦璉瑚珪
璋永炳不朽不亦幸哉如其後
孝絕而僅有留搜京師鍾愈得

後卓二部六昇坊間以資校讐
昔第昌黎集脫落點倒無波
次序歐陽公補綴修緝遂行
于必我

尹侯之功

公亦殆類焉世之傳誦文章者被

尹侯之惠不為虧剔氏請題

一語以為證於是乎書

元祿十三年庚辰之秋

常陽水戶府中村顧言謹啟



點也書肆野田某聞之而請
之切也遂令之鏤矣間有脫
字缺點者固神述之不可測
者也故不妄議而校正焉寬
文七歲次丁未夏六月日洛
陽後學慮庵福春洞謹跋

寺町通本能寺前

京兆書肆

鷓鴣惣四郎

